

欽定石渠寶笈三編

欽定石渠寶笈三編

延春閣藏二十一

列朝名人書畫

明唐寅自書詞曲一卷

明唐寅守耕圖一卷

明唐寅琴士圖一卷

明唐寅西園雅集圖一卷

明唐寅畫松崖別業一卷

明唐寅山靜日長圖 一軸

明唐寅品茶圖 一軸

明唐寅觀瀑圖 一軸

明唐寅秋山紅樹圖 一軸

明唐寅畫韓熙載夜譙圖 一軸

明唐寅畫陶穀贈詞圖 一軸

明唐寅畫函關雪霽 一軸

明唐寅畫暮春林壑 一軸

明唐寅仿唐人仕女 一軸

明唐寅畫班姬執扇 一軸

明唐寅畫菊花湖石 一軸

明仇英畫山水 一冊

明仇英餞行圖 一卷

明仇英畫蘇李泣別圖 一卷

明仇英臨閣立本文姬歸漢圖 一卷

明仇英園居圖 一卷

明仇英瑤臺圖 一卷

明仇英美人春思圖 一卷

明仇英摹倪瓚小像 一卷

明仇英桐陰畫靜圖 一軸

明仇英雙駿圖 一軸

明仇英十八學士登瀛洲圖 一軸

明仇英園林清課圖 一軸

明仇英畫松風水閣 一軸

明仇英畫水仙 一軸

明仇英畫秋江遊舫 一軸

明仇英畫柳塘漁艇 一軸

明仇英畫福海添籌 一軸

明杜陵內史仇氏畫唐人詩意 一軸

[illegible]

明唐寅自書詞曲 一卷

本幅紙本。縱七寸二分。橫一丈七尺一寸五

分。行書自撰詞曲。錄文不款晉昌唐寅錄似從

漢老兄清翫。鈐印三吳趙學圃堂印。唐寅圖


書。

鑒藏寶璽

五璽

寶笈三編

註案是蹟已刻入經訓堂法帖



明唐寅守耕圖一卷

本幅絹本。縱一尺。橫三尺一寸。水墨畫草堂
虛敞。林樾參差。水亭坐觀。稻田彌望。自題南
山之麓。上腴田。長守犁鋤業不遷。昨日三山
降除目。長沮同拜地。行仙。唐寅為守耕賦。鈐
印三。唐寅私印。唐居士。南京解元。

御題楷書

教民稼穡始。后稷辛勤畎畝。勞農力聖王愛育。

豈違時納賦輸誠感君德東阡南陌荷鍤臨長
守勿使紅塵侵順理行去不營役茅檐幽寂年
華深庾申孟夏御題鈴寶一朗潤

後幅題跋

守耕記夫民屬列四農擅首何貴務本也等
而上之士尤貴焉士未至於公卿大夫下不
能不為農工商賈雖事各殊而資生之策爾
惟知務本句疑有誤故許平仲曰學者治生為先

務生既治則寡欲以養生

生字去

心養心以崇

學崇學以致道士斯得矣又曰士君子當以

農務為生則知士以農務為本而從事以尚

志也矧士之志也卷舒徇其所寓而已吾郡

朝用家世故族治畦千畝

疑作

爾西成黃

雲連野場園林泉杖履追隨徜徉物外迴隔

凡俗聲色絢麗不眩於外勢利紛拏不撼於

中凡有玩好舉不能奪其志果哉以隱而高

者也。予惟朝用生以資，欲以寡心以養學，以崇道以致而志以尚焉。於序學稼云乎？抑士之務本者歟？別號守耕，允稱其情。於是乎記已丑季秋廿日，雅宜山人王寵書。鈴印二。王履吉印。韓韓齋。贈守耕陳君負耒從吾事東臯及早春，居常忘帝力，在野亦王臣。桑落懽開釀，禾登喜薦新。悠然軒冕外，不對問津人。華陽皇甫沖鈴印二。子浚之印。不菴逸叟。

野雲彌望日華開。春色平分散六垓。忽憶
綠楊啼布穀。一犁帶雨破蒼苔。裊裊垂楊
生紫烟。向陽田地得春先。芝蘭且種三千畝。
不作尋常養鶴田。萬谿俞國振鈴印三。萬溪
主人三吳仙客。俞氏子玉。

引首

守耕

隸款

徵明為朝用書鈴印二文徵明印

玉磬山房

鑒藏寶璽

五里

寶笈三編

收傳印記二頃村田一畝宮稻農左長羅軒
書畫日瓢居士耕牧虎邨之陽

謹案守耕字朝用詳後諸跋蓋寅同郡人其
名未詳皇甫冲字子浚嘉靖戊子舉人俞國
振字終玉號萬裕皆長洲人見蘇州府志王
寵記所稱許平仲當作仲平乃許衡字也

明唐寅琴士圖一卷

本幅紙本。縱九寸。橫六尺二寸五分。淡設色。畫松石清泉。一人臨流。跣足趺坐彈琴。旁置書卷香爐茶酒之具。一童侍立。一童捧槃。又一童烹茶。旁有石床。置筆硯壺檯。款唐寅為季靜作。鈐印二。南京解元唐伯虎。

後幅題跋

履素子弱冠以琴游諸公間。今五十餘矣。抱

道守貞。含章韞價。王公大人。眇其藝也。不肯
推轂薦達之。深相與者。惟生平交。又無力。不
能有所假借。然履素子。益厚自期待。不以是
踽踽戚戚也。阨窮而不憫。賢者之行。固若此
哉。雖然。騶成侯受相印。強田齊。聲稱赫赫。及
今不泯。又安知其未舍石室時。果有異乎。履
素耶。展卷興慨。綴之贊曰。春溫以濁。廉折以
清。琴之格也。攫深含愉。鈞諧相益。琴之爽也。

復而不亂。連而能徑。琴之繹也。短小精介。簡
潔古雅。琴之客也。琴之時義遠矣哉。故曰琴
音調則天下易。欲觀夫履素子者。宜察之絲
桐之間。勿泥諸絹素之迹。嘉靖戊子冬仲廿
有八日。隴西彭年孔加甫題。鈐印三。彭孔加
印。隴西彭年評劍堂。嘉靖戊子春三月廿
二日。章蘭甫觀於長春樓。鈐印一。簡父印。
元冠而白服。素履而遺俗。何必曳裾而食肉。

賢哉季子。其知足而不辱乎。陸芝贊。鈴印一。
陽抱山人。觀貌維常。聽音維古。裏牙往矣。
邈能繼武。汝寧黃魯曾贊。鈴印一。梅彎山人。
匪磊匪落。儀矩鑿鑿。弗顯弗達。聲吐巧巧。
行既朗朗。志亦卓卓。蓋獲乎古人之風雅而
養高於林壑者也。文仲義贊。鈴印一。文道承
氏。魯有師襄者。其人漫不可考。特以孔子
嘗從學琴。故其名至今耿耿。余觀吳下諸公。


所贊季靜者如此其亦可以有聞矣太史公
曰閭巷之人非附青雲之士烏能施於後世
信哉庚寅孟夏長洲朱幸題鈴印二采菴子
朱希直氏

鑒藏寶璽

五璽

寶笈三編

謹案季靜姓楊氏攷見文伯仁畫楊學靜像
卷內黃魯曾字得之蘇州衛人正德丙子舉
人朱幸字希直長洲人嘉靖癸巳歲貢官嘉
興府教授並見蘇州府志文仲慕蓋伯仁弟
也



明唐寅西園雅集圖一卷

本幅紙本縱九寸三分橫九尺七寸三分設色畫西園雅集圖款唐寅鈐印一唐私印半

後幅文徵明書米芾西園雅集圖記

李伯時效唐小李將軍西園雅集圖

謹案米芾記無

西園雅集圖四字

為著色泉石雲物草木花竹皆絕

妙動人而人物秀潤各肖其形自有林下風味無一點塵埃氣不為凡筆也其烏帽黃道

服捉筆而書者

字脫為

東坡先生仙桃巾紫裘

而坐觀者為王晉卿幅巾青衣據方几而凝

竚者為升陽蔡天啟捉倚而視者為李端叔

後有女奴雲鬟翠飾侍立自然富貴風韻乃

晉卿之家姬也孤松鬱鬱

記原文作孤松盤鬱

上有凌

霄纏絡相間紅綠

記原文作紅綠相間

下有大石案陳

設古器瑤琴芭蕉圍繞坐於石盤傍有

行字道

帽紫衣右手倚石左手執卷而觀書者為蘇

子由。團巾。繡衣。手東蕉筴而熟觀者。為黃魯直。幅巾。野褐。據橫卷。畫淵明歸去來者。為李伯時。披巾。青服。撫肩而立者。為晁無咎。跪而捉石觀畫者。為張文潛。道巾。素衣。按膝而俯視者。為鄭靖老。後有童子執靈壽杖而立。二人坐於盤根古檜下。幅巾。青衣。袖手側聽者。為秦少游。翠尾冠。紫道服。摘阮者。為陳碧虛。唐巾。深夜。昂首而題石者。為米元章。幅巾。袖

手而仰觀者為王仲至前有翳頭頑童捧古
硯而立。後有錦石橋竹逕繚繞於清溪深處。
翠陰茂密中有袈裟坐蒲團而說無生論者。
為圓通大師。傍有幅巾褐衣而諦聽者。為劉
字巨濟。二人並坐於怪石之上。是句下脫下有激湍流
於大溪之中。水石潺湲風竹相吞。字人間清曠
壺烟方裏草木自馨。二十七字。
之樂。不過於此。是句下脫嗟乎洵湧於名利之域而不知退者豈易得此
耶。十自東坡而下。凡十有六人。以文章議論

九字。

博學

脫辨識英辭
妙墨六字

好古多聞雄豪絕俗之資

脫高僧羽流
之傑六字

卓然高致名動四夷後之攬者

不惟

記原文
作獨

圖畫之可觀亦足彷彿其人耳

嘉靖甲寅春二月望日書於玉蘭堂徵明鈐

印三。文徵明印。徵仲。停雲。半印

引首

西園雅集穀祥鈐印二。穀祥祿之。

鑒藏寶璽

五璽

寶笈三編

收傳印記口墨亭

明唐寅畫松崖別業 一卷

本幅紙本。縱一尺。橫三尺八寸七分。淺設色。
畫巖扉淪茗。水檻觀荷。自題翠竹並奇石。松
崖留古柯。殘荷水亭坐。秋思興如何。正德戊
辰秋九月。為松崖道誼寫並題。唐寅。鈐印二
六如居士。唐寅。

後幅題跋

綠玉凌空百尺竿。濕雲當戶暎迴巒。聞風已

覺闌干碧。過客應慚世路酣。嘗媿大夫孤節。
汚不如處士夜魂寒。高堂有主能同調。拭目
灑珠不忍看。徐貞良。鈴印二。徐氏正卿。思公
子兮未敢言。郊行三四里。幽墅見瀛洲曲。
徑門深洞。方塘闊半舟。濂溪風月在。康節肺
肝收。我獨知君意。憑闌豁醉眸。右園巉巖立
壁自何年。壯節亭亭不計年。坐向半山屏翠
合。仰來孤頂益青圓。松濤有韻生還落。雲陣

無心去復旋。遊遍徂徠非一鶴。餐苓煮石是

神仙。右松崖楊一清鈐印。一一清。案是詩原本重印年字韻


引首

松崖別業款。西崖鈐印。二賓之大學士章。

鑒藏寶璽

五璽全寶笈三編

謹案徐貞良武進人嘉靖癸巳歲貢見常州府志



明唐寅山靜日長圖一軸

〔本幅〕絹本。縱四尺四分。橫一尺七寸七分。設色畫山深林密。書齋中展卷靜坐。橋外谿邊。漁竿牧笛。意致幽閒。自題。初夏山中。日正長。竹梢脫粉。午窗涼。幽情只許同麋鹿。自愛詩書靜裏忙。正德丁卯穀雨日。唐寅畫。鈐印二。唐寅私印。唐伯虎。

高宗純皇帝潛邸御題

我非山中人。愛說山中話。行遇好山水。自覺中心
快。豈能長留玩。聊且娛眼界。山靜日長圓。相傳伯
虎畫。為愛景物幽。持此壁間掛。峰巒翠欲滴。樹石
紛古怪。縛茅為屋宇。飛泉流別派。中有常住人。看
經不行邁。伊余勞逸殊。徒此償詩債。靜對轉增慚。
烹茶洗懣芥。

寶親王長春居士題時甲寅春三月。鈐寶三。芝蘭室。
寶親王寶。長春居士款。梁詩正謹書。鈐印二。梁詩正。

會叶泉唐人

玉池

山靜日長記唐子西云山靜似太古日長如
小年。余家深山之中。每春夏之交。蒼蘚盈階。
落花滿徑。門無剝啄。松影參差。禽聲上下。午
睡初足。旋汲山泉。拾松枝。煮苦茗啜之。隨意
讀周易國風左氏傳離騷太史公書及陶杜
詩韓蘇文數篇。從容步山徑。撫松竹與麝犢。

共偃息於長林豐草間。坐弄流泉。漱齒濯足。
既歸竹窓下。則山妻稚子。作筍蕨供麥飯。欣
然一飽。美筆窗間。隨大小作數十字。展所藏
法帖墨蹟畫卷。縱觀之。興到則吟小詩。或草
玉露一兩段。再烹苦茗。一椀出步溪邊。邂逅
園翁溪友。問桑麻。說秔稻。較晴量雨。探節數
時。相與劇談半餉。宜作歸而倚杖柴門之下。
則夕陽在山。紫綠萬狀。變幻頃恍可人目。牛

背笛聲兩兩來歸而月印前溪矣。味子西此句可謂妙絕。然此句妙矣。識其妙者蓋少。彼牽黃臂蒼馳獵於聲利之場者。見滾滾馬頭塵。匆匆駒隙影。耳烏知其此句之妙哉。人能真知其妙。則東坡所謂無事。此靜坐一日如兩日。若活七十年。便是百四十。所得不已多乎。新秋雨霽。小林如沐。漫錄一過。不覺塵遠。枝山老樵祝允明。鈴印三枝山。允明祝晞哲。

軸內分鈐

寶璽乾隆御覽之寶樂善堂圖書記

鑒藏寶璽

五璽

寶笈三編

收傳印記吳口寶口

印半

明唐寅品茶圖一軸

本幅紙本縱二尺九寸橫九寸五分水墨畫
樹石叢密旁列茅屋二楹一人幅巾危坐童
子三一烹茶一執壺一視茶具自題買得青
山只種茶峯前峯後摘春芽烹煎已得前人
法蠅眼松風候自嘉興郡唐寅鈴印二唐子
畏唐伯虎

高宗純皇帝御題行書

就水惟應事品茶。攜來恰有雨前芽。解元想像如
相謂。石瀨松濤此處嘉。乾隆癸酉十月。題于田盤
千尺雪。即用伯虎原韻。御筆。非關陸羽癖分茶。
偶試原欣沃道芽。瓷碗筠爐值茲暇。田盤春色正
和嘉。甲戌二月重過千尺雪。疊前韻再題。壁張
墨戲寫烹茶。汲雪因教試。芽。正是盤中春好處。
撫松坐石意為嘉。乙亥仲春三疊原韻。題。御筆。
可笑瑯琊不識茶。酪奴將謂勝龍芽。六如解事留

真蹟一再拈吟興致嘉戊寅冬四疊前韻題御筆
千尺雪旁安竹壺壁張伯虎品茶圖却似圖中
人語我不須如此費工夫庚辰春駐盤山題御筆
底須調水始烹茶就近餅罍煮貢芽恰似去年
惠泉上聽松得句也清嘉癸未仲春五疊前韻題
御筆蘇臺文筆擅風流雅合高張石屋幽竹鼎
茗甌依舊例圖中人可許從不丙戌仲春中澣憩
千尺雪觀畫御題泉上山房有竹壺品茶恰對

品茶圖。誰知三百年前筆。却與今朝景不殊。丙戌
九秋下泚御題。草堂事茗是何人。滿灑衣巾古
淡神。祇有解元知此意。謂宜泉上結良賓。己丑暮
春中泚御題。就泉烹鼎試茶槽。戶外松風響謾
濤。默識田疇應首肯。不教吳郡獨稱高。庚寅仲春
下泚御題。著壁唐家試茗圖。每來題句不教孤。
伊人設起當前問。掉首應云有是乎。壬辰仲春中
泚御題。越甌吳鼎淨無塵。煮茗觀圖樂趣真。不

必無端相較量。較來少愧箇中人。甲午仲春下澣。
御題。就泉煮茗一快事。此事誠宜寫作圖。欲問
箇中唐伯虎。亦曾絕勝到斯乎。乙未暮春上澣。御
題。伯虎品茶事欲仙。竭來逸韻仿依前。中人茗
椀安排就。雙手高擎俗已然。壬寅暮春上澣。御題。
品茶自是幽人事。我豈幽人亦品茶。偶一為之
寫興耳。竈邊陸羽笑予差。乙巳暮春上澣。御題。
千尺雪齋設竹壚。壁懸伯虎品茶圖。羨其高致應

輸彼笑此清閒何有吾丁未暮春月上泮御題
品茶事自屬高閒真蹟六如掛壁間茗椀竹爐陳
妥貼品非閒者畧顏顏己酉季春月御題趙宦
光事重提舊唐伯虎圖又看新即景何妨吟七字
却慙不是箇中人辛亥季春御題滿幅題詞都
作舊一爐煮茗又成新擎杯在手微生笑笑我却
為著相人癸丑用辛亥御題韻遊山返蹕入山
門小憩溪堂俯水源名蹟餘箋聊補空再來擱筆

合忘言。丁巳季春月。御題。

左上方

御書逸品

軸內分鈐

寶璽幾暇怡情得佳趣會心不遠德充符比德一重朗

潤席上珍古香太璞乾隆六重得象外意乾隆宸翰

一重

古稀天子之寶四重猶日孜孜四重八徵耄念之寶三重自

強不息二重

太上皇帝一重

十全老人。乾隆御覽之寶。乾隆鑒賞。靜寄山莊。

古希天子。

五福五代堂古稀天子寶壽。

鑒藏寶璽全五璽寶笈三編

收傳印記。衣園藏真。竹溪秘玩。潘陽升印。潘

朗士。康飴。衣園珍藏。子孫寶之。蘿軒審定。兼

山堂圖書清白之遺



明唐寅觀瀑圖 一軸

本幅紙本。縱三尺五寸，橫九寸五分。淺設色。畫峭壁飛流，一人坐盤陀觀瀑，旁童子侍自題。一派銀河傾碧落，耳根於此洗塵囂。要知盡日支吾處，五老峯前三峽橋。唐寅。鈐印三。唐伯虎。唐寅私印。吳郡。

高宗純皇帝御題行書

吳中偶覽吳人畫，觀處有形聽有聲。千尺寒山雪

己好底須三峽寄遥情甲辰仲春月御題鈐寶二
古稀天子之寶猶日孜孜

軸內分鈐

寶璽

古希天子八徵耄念之寶乾隆御覽之寶乾隆鑒賞

鑒藏寶璽

五璽

寶笈三編

明唐寅秋山紅樹圖 一軸

〔本幅〕紙本縱一尺七寸七分橫九寸設色畫
紅葉青山孤篷輕漾款正德戊辰仲秋既望
寫於桃花塢夢墨亭中唐寅鈐印二唐寅私
印唐居士原題扁舟晚過洞庭西江草江花
岸岸齊搖至白龍祠下去兩邊楓樹鷓鴣啼
周天球題鈐印一周公瑕氏

玉池前人題跋

國朝畫惟唐伯虎先生最妙得李營邱筆法
可與元四大家對壘予酷愛之第十作九層
愈覺難得己卯冬於清溪曹起莘處以名畫
易得此小景筆法道勁瀟灑無一毫烟火氣
當為唐畫第一庚辰夏四月舟泊瓜渚出此
展玩漫識數語其上太原王穉登鈐印二青
羊君王穉登印

鑒藏寶壘

五壘

寶笈三編

收傳印記陽春堂印



明唐寅畫韓熙載夜燕圖 一軸

本幅絹本。縱四尺六寸五分。橫二尺二寸六分。設色畫。碧梧翠竹。丹榴白蓮。畫屏高張。曲欄低亞。熙載緋袍紗帽。攘袂撾鼓。二史執板侍側。二姬歌舞於前。案列酒肴。度然猛炬。自題酒資長苦欠經營。預給餐錢費水衡。多少如花後。屏女說金不學耿先生。吳門唐寅畫。並題鈐印三。吳趨唐子畏圖書。唐寅私印。

鑒藏寶璽

五璽寶笈三編

謹案韓熙載字叔言北海人弱冠擢進士第
烈祖受禪除秘書郎遷兵部尚書謚文靖見
馬令南唐書宣和畫譜云熙載以貴游世胄不復
拘制僞主李氏頗聞其荒縱欲見尊俎閒就
籌交錯之態乃命顧宏中夜至其第竊窺之
目識心記圖繪以上遂傳有韓熙載夜宴圖

明唐寅畫陶穀贈詞圖 一軸

〔本幅〕絹本。縱五尺二寸七分。橫三尺二寸。設色畫。陶穀拈鬚。妓坐榻上。旁設筆硯。前然紅燭。一女卽繡襦羅巾。坐彈琵琶。自題一宿姻緣。逆旅中。短詞聊以識泥鴻。當時我作陶承旨。何必尊前面發紅。唐寅鈐印三。唐伯虎南京解元吳趨。

鑒藏寶璽

五璽寶笈三編

謹案陶穀字秀實，鄆州新平人。本姓唐，避晉祖諱，改焉。歷仕晉、漢、周三朝，入宋，官戶部尚書。贈右僕射。宋史有傳。南唐拾遺記云：穀使江南，見妓秦弱蘭，以為驛吏女也。遂敗，慎獨之。戒作長短句贈之。明日，中主燕穀，穀執然不可犯。中主持觥立，使弱蘭出歌侑觴。穀大慙，而罷詞名風光好，是國乃繪其事也。

明唐寅畫函關雪霽一軸

本幅絹本。縱二尺一寸六分。橫一尺一寸六分。淺設色。畫積雪巖關。驅車登坂。自題函關雪霽。旅人稠。輕載驢。驟重載牛。科斗店前山積鐵。蝦蟆陵下酒傾油。晉昌唐寅作。鈐印三。吳郡唐伯虎學圃堂。

軸內鈐

高宗純皇帝寶璽。乾隆御覽之寶。

鑒藏寶璽

五璽

寶笈三編

收傳印記真賞丹誠琴書堂都尉耿信公書
畫之章珍秘宜爾子孫懷庭清玩阿爾喜普
之印公信公珍賞梅林潘氏家藏也園索氏
收藏書畫

明唐寅畫暮春林壑一軸

〔本幅〕紙本縱五尺二寸五分橫一尺七寸淺
設色畫層崖懸瀑溪樹彎環竹障茆亭一人
倚欄坐自題逶迤十里平溪路滴瀝三重下
瀨泉為底時來策杖疑作杖春衣要試浴沂
天唐寅畫並題鈐印二唐伯虎六如居士

鑒藏寶璽

五里

寶笈三編

收傳印記
昆陵唐荆川家藏圖書記有明文

靖世家圖書董其昌印王時敏印

明唐寅仿唐人仕女一軸

本幅紙本縱四尺六寸橫二尺六分設色畫
茗甌竹簟積卷橫琴士人握卷凝坐一仕女
折花而至一仕女捧膽瓶侍左自題善和坊
裏李端端信是能行白牡丹花月揚州金滿
市佳人價反屬窮酸唐寅鈐印二唐伯虎六
如居士

鑒藏寶璽

五璽

寶笈三編



明唐寅畫班姬執扇一軸

本幅紙本。縱四尺六寸八分，橫一尺九寸八分。設色畫班姬。侍立玉階旁，有梭欄數叢，微帶秋意。款：吳郡唐寅。鈐印二：唐伯虎、南京解元。原題：碧雲涼冷別宮苔。團扇徘徊句未裁。休說當年辭輦事，君王心在避風臺。祝允明。鈐印一：晞哲。落盡閒花日，晷遲薄羅輕汗暑，侵肌眉端心事無人。

會獨許青團扇子知徵明鈐印二文壁印文
徵明印 蟬髻低垂螺黛殘含顰睡起恨漫
漫長門七月渾無暑翠袖玲瓏掩合歡王穀
祥鈐印二穀祥王祿之印

鑒藏寶璽

五璽

寶笈三編

收傳印記一書生榮書樓藏

明唐寅畫菊花湖石 一軸

〔本幅〕紙本縱四尺四寸橫一尺九寸淺設色
畫山石一峯菊花數枝自題詩翁六秩鬢垂
絲勝日重陽舉壽卮欲擬無疆何以祝南山
千丈映東籬唐寅鈐印三吳趨唐居士南京
解元

鑒藏寶璽

五里

寶笈三編

明仇英畫山水一冊

〔本幅〕紙本。摺裝十幅。皆縱九寸四分。橫一尺四寸六分。設色畫。兩人坐岩石間。觀隔溪懸瀑。二樹根一人袒衣憩坐。三水亭延眺。短棹淩波。隔浦風帆隱隱。四。天際樓臺雲聳。隔岸兩人聯轡行。回眺景色。五。秋林蕭爽。一人面軒據案。駐筆凝思。六。肩囊驪駒。躑躅山行。店舍村帘。隱約林表。七。青山紅葉。橋邊兩人。

對語短童抱琴隨行公峭壁下扁舟垂釣舟
中圖書畢具九孤帆遠渡一人倚樓送目天
際十兩人臨流對語一人拏舟而下款吳門
仇英實父製分鈴印仇英之印九種十洲

鑒藏寶璽

全五璽

寶笈三編

明仇英饒行圖 一卷

本幅紙本縱九寸橫三尺三寸三分青綠畫
繡嶂清溪柳岸列二騎四人送客登舟作揖
別狀款仇英實父製鈴印三十洲仙史實父
仇英

御題楷書

柳絲繫征轡難綰遊子心離別非易事况逢春
欲深船去如箭疾碧波共洋溢迢迢極浦浮雲

繞相望中流帆漸小。披圖如晤把袂人。景印長川思浩渺。庚申孟夏御題鈐寶一叢雲。

後幅題跋

送少東徐先生北上詩序 夫天人振烈幹至運以策上勲。昆裔承光拓隆基而食景福。斯固澤流不匱。貺畀彌篤而亦繼述之有人。引翼之弗替也。否則居滿忘溢。席寵蹈譽。將為先耆之黜。奚有後緒之淑哉。此予於少東。

徐君大其才高其養也。君出中山武寧王後。魏國莊靖公之聞孫。錦衣東園公之令子。器雄國寶。珥貂不增其貴。文炳天機。藻火同著其華。少起明經。辟為文學。領譽多士。夙望掄魁。丙午之科。已發解於南紀。籍名之曰。乃見擯於儉人。輿論咸惜。君心不搖。益以拂抑大厥受。從容績其學。論交間氣之英。尚友單門之士。溫溫其容。簡簡其度。羣懿自集。匪夷所

思是其加耀於前修顯設乎嚴敬不愆帝賚
之衷以俟天錫之寵者也茲遇天子隆禮元
臣念功求舊特予異數出詔登賢君於東園
公寔為元嗣遂膺新命謁選銓司文武具用
欣瞻吉甫之升朝奕葉重華咸稱召公之似
祖尊公盛德大業於焉考成淑聞鴻名在君
濟美豈不愜遐邇之望副親知之心哉乃茲
啓行建星旌於江浦黯其為別送風翺於雲

膏式。縫綬於懷。私亦殷勤於贈處。因皆摘藻。以次揚詩。再歌麟趾之章。相勉羔羊之節。他日遠道。將追躅於夔龍有懷故人。當推分於管蒯。是所願也。敢為序之。戊申秋日。吳門周天球。鈐印二周天球印。渠几齋。

引首

矯翰龍雲款。吳門周天球。題贈少東先生。北上鈐印一。江左周郎。

鑒藏寶璽

五璽

寶笈三編

收傳印記望益軒印卞永譽印式古堂令之

清玩青霞一重卞令之鑒定令之式古堂書畫

謹素中山武寧王即徐達其元孫備襲封魏國公諡莊靖少東名未詳

明仇英畫蘇李泣別圖 一卷

〔本幅〕紙本。縱八寸五分，橫六尺八寸七分。白描畫。廣漠羣羊。蘇武持節，掩泣旁列。羌女歌舞。李陵介冑，囊韉杯酒，持饒後隨。羌女捧壺，檣前列將士僕從，弓矢旌旗，及駝馬鷹犬之類，作瀕行狀。款仇英實父製鈐印二十。洲仇英之印。

後幅題跋

伶仃海上節旄希。每望南鴻近塞飛。說盡白
頭相別淚。子卿留缺少卿歸。王汝玉題鈴印
二。東吳生。汝玉私印。苦牧羣羊負不勝。曾
經立雪向寒氷。麒麟閣上留名處。此日無人
說李陵。長洲文徵明題鈴印二。文徵明印。衡
山。同為武帝一時人。忠逆分違感慨深。早
信子卿歸漢去。淚痕滴滴缺黃金。近代擅六
藝者。各師一家。惟人物最為不易。非寫生在

手未能盡善。余于十洲殆無間然矣。蓋十洲
作畫能於生紙白描。運筆毫無斧鑿之意。故
世特推重之。今觀此卷。信乎名下無虛也。漫
題於槩几齋。時嘉靖壬戌清和既望。六止生
周天球鈐印。一周公瑕氏。白陽山人陳子
正許初全閱於治平精舍。

鑒藏寶璽

五璽

寶笈三編

收傳印記霞城主人

三碧梧高岱私印。唯天

籟閣項元汴印子孫永保畢沅審定秋颿珍
賞霞城真賞一重秋颿畢秋颿書畫記

謹案明詩綜王瑛字汝玉無錫人嘉靖壬辰
進士歷官監察御史此卷題者疑即其子
正陳枯字

明仇英臨閣立本文姬歸漢圖一卷

本幅絹本十八幅設色畫文姬歸漢按拍分
圖皆縱八寸五分。橫一尺六寸。二橫一尺
二寸四分。三橫一尺二寸五分。四橫一尺五
寸五分。五橫一尺四寸五分。六橫一尺四寸
三分。七橫一尺三寸八分。八橫一尺六寸三
分。九橫一尺四寸二分。十橫一尺三寸七分。
十一橫一尺六寸。十二橫一尺六寸七分。十

三。橫一尺八寸七分十四。橫二尺三寸六分
十五。橫一尺七寸二分十六。橫一尺二寸一
分十七。橫一尺六寸八分十八。橫一尺五寸
二分。首幅鈐印一。仇氏實父。末幅款仇英臨
鈐印同。各幅後金粟箋。周天球書。文姬胡笳
十八拍詩。我生之初尚無為。我生之後漢祚
衰。天不仁兮降亂離。地不仁兮使我逢此時。
干戈日尋兮道路危。民卒流亡兮共哀悲。烟

雲

按朱子楚辭後語作塵

蔽野兮胡虜盛志氣

朱子本作意

乖兮義節虧對殊俗兮非我宜遭惡辱兮當

告誰茹一會兮琴一拍心憤怨兮無人知鈴

印一。周公瑕氏。戎羯逼我兮為室家將我

行兮向天溷雲山萬里

朱子本作重

兮歸路遐疾

風千里兮風揚沙人多暴猛兮如虺蛇控絃

被風

朱子本作甲

兮為驕奢兩拍張絃兮絃欲絕

志摧心折兮息

朱子本作自

悲嗟鈴印二。周公瑕

氏止園居士

後幅俱同

越漢國兮入胡域亡家

失身兮不如無生。羶裘為裳兮骨肉震驚。羶
羶為味兮枉遇我情。鞞鼓喧兮從夜達明。胡
風浩浩兮暗塞營。傷今感昔兮三拍成。銜悲
蓄恨兮何時平。無日無夜兮不思我鄉土。
稟氣含生兮莫我過。朱子本最苦天災國。朱子
本國下有亂字兮人無主。惟我薄命兮沒戎虜。殊俗
心異兮身難處。嗜欲不同兮誰可與語。尋思

涉歷兮多艱阻。四拍成兮益悽楚。雁南征
兮欲寄邊聲。雁北歸兮為得漢音。雁飛高兮
邈難尋。空斷腸兮思悵悵。攢眉向月兮撫雅
琴。五拍泠泠兮意彌深。冰霜凜凜兮身苦
寒。饑對肉酪兮不能餐。夜聞瀧朱子本水兮
聲鳴咽。朝見長城兮路杳漫。追思往日兮行
李難。六拍悲來兮欲罷彈。日暮風悲兮邊
聲四起。不知愁心兮說向誰。是原野蕭條兮

蜂成萬里俗賤老弱兮少壯為美逐有水草
兮安家葺壘牛羊滿野兮聚如蜂蟻草盡水
竭兮羊馬皆徙七拍流恨兮惡居於此為
天有眼兮何不見我獨漂流為神有靈兮何
故朱子本處我天南海北頭我不負天兮天
何配我殊匹我不負神兮神何強我荒越州
製茲八拍兮擬俳優何知曲成兮心轉愁
天無涯兮地無邊我心愁兮亦復然人生倏

忽兮如白駒之過隙然不得懽樂兮當我之

盛年怨兮欲問天天蒼蒼兮上無攀

朱子本作緣

舉頭仰望兮空雲烟九拍懷情兮誰與傳

城南烽火不曾滅疆場征戰何時歇殺氣朝

朝衝塞門胡風夜夜吹邊月故鄉隔兮音塵

絕哭無聲兮氣將咽一生辛苦兮緣別離十

拍悲深兮淚成血我非貪生而惡死不能

捐生

朱子本作身

兮心有所主

朱子本作有以

仍

朱子本作仍

上有異得兮歸桑梓死當埋骨兮長已矣日
生字

居月諸兮在戎壘胡人寵我兮有二子鞠之
育之兮不羞恥問之念之兮生長邊鄙十有
一拍兮因此起哀響纏綿兮徹心髓東風
應律兮暖氣多知是漢家天子兮布陽和羌
胡蹈舞兮共謳歌兩國交惟兮罷兵戈忽遇
漢使兮稱近詔遣千金兮贖妾身喜得生還
兮逢聖君嗟別穉子兮會無因十有二拍兮

哀樂均去住兩情兮誰具陳

不謂殘生

子朱

本生下却得全

朱子本

歸撫抱胡兒兮泣下

霑衣漢使迎我兮四牡駢駢號失聲兮誰得

知與我生死兮逢此時愁為子兮日無光輝

焉得羽翼兮將汝歸一步一遠兮足難移魂

銷影絕兮恩愛遺十有三拍兮絃急調悲肝

腸攪刺兮人莫我知身歸國兮兒莫知隨

心懸懸兮長如饑四時萬物兮有盛衰惟我

愁苦兮不暫移山高地濶兮見汝無期更深
夜闌兮夢汝來斯夢中執手兮一喜一悲覺
後痛吾心兮無休歇時十有四拍兮涕淚交
垂河水東流兮心是思十有朱子本五拍
無有字
兮節調促氣填胸兮誰識曲處穹廬兮偶殊
俗願得歸來兮天從欲再回朱子本漢國兮
作還
歡心足心有懷兮愁轉深日月無私兮曾不
照臨子母分離兮意難任同天隔越兮如商

參生死不相知兮何處尋 十六拍兮意朱

思本作茫茫我與兒兮各一方日東月西兮徒

相望不得相隨兮空斷腸對萱草兮憂不忘

彈鳴琴兮心朱子本何傷今別子兮歸故鄉

作情

舊怨平兮新怨長泣血仰頭兮訴蒼蒼胡為

生我兮獨罹此殃 十七拍兮心鼻酸關山

阻修兮行路難去時懷土兮心無緒來時別

兒兮思漫漫塞上黃蒿兮枝苦朱子本葉乾

作枯

沙場白骨兮。及痕箭瘢。風霜凜凜兮。春夏寒。
人馬饑。歷兮筋力畢。豈知重得兮。入長安。歎
息欲絕兮。淚闌干。胡茄本自出胡中。緣琴
翻出音律同。十八拍兮。曲雖終。響有餘兮。思
無窮。是知絲竹微妙兮。均造化之功。哀樂各
隨人心兮。即朱子本作有變則通。胡與漢兮。異域
殊風。天與地隔兮。子西母東。苦我怨氣兮。浩
於長空。六合雖廣兮。受之應不容。款乙丑長。

至印周天球書

引首

文姬遺美篆款吳郡周天球書鈐印二六止

居士周公瑕氏

鑒藏寶璽

五璽寶笈三編

謹案仇英此卷係臨摹唐本即宋高宗以唐劉商詩按拍分書其上者中惟第十八幅布景小異自韓世能王鐸跋李唐冊臆斷以為閻立本畫後卞永譽書畫彙考亦仍其誤此卷每段周天球書胡笳十八拍仍錄蘇文姬元作殆亦心知劉商與閻立本二人年代之

不相及然卷中景色實按劉商詩意圖之易
以文姬詩殊不相合

明仇英園居圖 一卷

本幅紙本縱八寸七分橫二尺六寸設色畫
山光水色花木翳如軒齋中兩人對坐童子
烹泉負卷伺立者凡五人款吳門仇英製鈴
瓢印一十洲

後幅題句

杜韋天尺五歸卧海東偏玉塵開蓮社金貂
賈酒錢園居憑水竹林觀俯山川竟日雲霞

逐冥心入太元 共有王猷好同酣修竹林
山光雲几淨水色畫堂侵斷續冬花吐璫瓏
好鳥吟輞川如有待那得戀朝簪此二作余
為王敬止先生題其園居詩也今倩仇實甫
畫史繪為小卷敬止暇中出示命書漫錄於
後時嘉靖壬辰夏四月六日雅宜山人王寵
識鈐印二王履吉印雅宜山人

鑒藏寶璽

全五璽

寶笈三編

收傳印記南廬賞鑒

謹案王徽止名獻臣其先吳人諱籍錦衣衛
宏治癸巳進士授行人擢監察御史明史有
傳




明仇英瑤臺圖一卷

本幅絹本縱一尺二寸橫一丈四寸設色畫
滄瀛翠峯雲日澄鮮臺閣凌虛靈禽異卉款
仇英實父製鈴印二十洲仇英之印

鑒藏寶璽

五璽
金寶笈三編



明仇英美人春思圖 一卷

本幅紙本。縱六寸三分。橫一尺八寸。設色畫。洛神雲裾霞裳。迴立波際。鈐印二十。洲仇英之印。

後幅題跋

撲蝶弄春芳。看花到上陽。繡襪晴猶濕。羅衣
煖自香。游絲蹴嬌燕。牽粉入雕梁。忽見簾中
色。長門鎖綠楊。陽城居士陸治題。鈐印二。南

陽江頭細草芳。緩步踏青陽。裙約湘波碧。
釵銜翡翠香。春風依杜若。明月限河梁。忽聽
鶯聲早。閨心蕩綠楊。浮玉山人大謨次韻鈴
印。一映碧樓。綠楊影裏鞦韆架。紅杏花邊
翡翠翹。相見預思相別恨。東風遮院自魂消。
五峰山人文伯仁鈴印。一墨池清興。楊柳
垂絲春晝長。游蜂逐隊覓花房。一聲百舌湘
簾捲。惟有多情易斷腸。三橋居士文彭鈴印。

一。文。彭。春來多恨畫偏長。無奈調絃出洞
房。芍藥翻紅心更遠。一枝欲折幾迴腸。石岳
鈴印一。石民望。蘇小門前油壁車。四娘堤
畔滿谿花。閒來戲撲花間蝶。一片輕綃亂綵
霞。茂苑文嘉。鈴印一。文氏休承。畫閣春風
錦帳濃。翠屏初日繡簾重。花間恨殺啼鶯早
夢斷。江頭十二峰。錦峰山人題。鈴印一。含藻
繡戶散春芳。雕梁

改欄

字

麗曉

曉字

旁

陽鬢將

雲共艸人與玉同香。拂黛頻開鏡。調歌自繞梁。獨有鞦韆影。時復蕩垂楊。京兆金用漫次。鈴印二。洒心齋。金氏元賓。紗明花燭下。袖拂鏡臺前。淒鏘傳玉樹。掩抑出金蓮。月似瑤池媚。雲同洛浦妍。願將桃李思。未入綺羅筵。龍巖俞章。鈴印二。浮玉山人。惠音父。文姬名冠世。綽約許誰同。彷彿驚鴻態。翩跹舞結風。間鳴歌扇底。弄影向花叢。莫訝眠沙上。由

來勝掌中。汝南黃守曾。鈴印一。皋亭。春來
桃李關芳菲。蜂蝶尋香繞樹枝。寂寞繡屏人
不見。且將情事寄魚書。體泉劉寅題。無印。

楊柳垂隄春正濃。佳人離別歎西東。深閨獨
守愁千斛。懶看繁花簇錦紅。彭城劉璋。無印。

吳姬十五顏如花。天涯游子久思家。春風
吹入鴛鴦夢。日上重闌掩碧紗。短牆修竹是
郎家。踏遍蒼苔一徑斜。敲斷月明人不見。重

門深鎖玉蘭花。岐雲山人魯治鈴印二。岐雲山人魯生印。

引首

美人春思。書隸款丁未閏重陽羣玉山樵書鈴

印二。公瑕父羣玉山樵。

鑒藏寶璽


五璽

寶笈三編

收傳印記畢沅寶藏一重畢沅審定一重秋颿珍

賞一重

謹案是卷所繪乃洛神獨立媽然亭亭雲水
正所謂凌波微步羅襪生塵也引首題美人
春思後幅諸詩亦均就春思措辭與圖不合
或者仇英別有美人春思圖裝者移題跋置
此卷耶大謬疑即沈禹文致見後金用乃王
寵弟子見王世貞三吳楷法跋黃守曾當是
魯曾兄弟行魯治號岐雲吳縣人致見續編



明仇英摹倪瓚小像一卷

本幅紙本。縱九寸八分。橫一尺四寸九分。設色畫倪瓚冠服小像。趺坐榻上。手執卷欲書。一童擁簪。一女奴進盥款。仇英謹製。鈐印二。仇氏實甫。十洲上方楷書。倪雲林墓銘。長樂王賓著。倪雲林姓倪氏諱瓚字元鎮所居號雲林。因號雲林生。其家常州無錫富家。至正初兵未動。鬻其家田產。不事富家事。事作詩。

人竊笑其為兵動諸富家剝廢田產人始

賞其有見性好潔盥頰易水數十次冠服著

時數十次振拂齋閣前溪樹石嘗洗拭見俗

士避去如恐浼從王文友讀書文友死斂葬

不計所費一如其所親交張伯雨後伯雨至

其家會鬻田產得錢百千緡念伯雨老不再

至推與不留一緡盛年詩名在館閣晚當至

正末飄流中作詩益自喜其作詩信口率與

唐詩人語合年若干。葬江陰習巽。卒後人倩其詩散逸。無全藁。銘曰。捐所優。心何求。吁嗟乎其為安。所由身何投。吁嗟乎其時。獨所脩。名何留。吁嗟乎其詩。嘉靖壬寅。後學文彭書。鈐印二壽承。

後幅題跋

產於荆蠻。寄於雲林。青白其眼。金玉其音。十日畫水。五日石。而安排滴露。三步回頭。五步

坐而消磨寸陰。背漆園野馬之塵埃。向姑射
神人之冰雪。執玉弗揮。於以觀其詳雅。盥手
不悅。曷足論其盛潔。意匠摩詰。神交海岳。達
生傲晚。玩世諧謔。人將比之。愛佩紫羅囊之
謝元。吾獨以為。超出金馬門之方朔也。句曲
外史張雨撰鴈門文徵明書鈐印二。文徵明
印。徵仲甫印。右仇實父寫倪元鎮像。文壽
承書墓銘其上。明四家畫。惟實父為難辨。生

平所見工緻者不下數十種然未敢信以為
真也此幅筆法與世所傳仇畫迥異而秀雅
古澹之致出於天然矧壽承書神采奕奕是
其極用意筆書既真畫豈能獨偽展玩再四
乃知寶父列於徵仲啓南伯虎之間無愧色
也竹輿同年博雅善鑒余至吳門主於其家
因獲觀焉而紀以詩雲林古高士棲遁和天
真畫以掩其詩詩以掩其人其人今不見風

期如尚存披圖仰遺範相看欲忘言竹嶼亦
靜者樂志卧邱樊啓牖延竹翠開池納月痕
蕭蕭清闕闕夷使猶知尊遐躅在人間千載
等朝昏林泉結夙契此圖合歸君君復有達
識過眼同烟雲乾隆三十五年夏五月丹徒
王文治鈐印二曾經滄海夢樓竹嶼同年
次韻為答并錄左方高士竟千古披圖見天
真雲林擁清闕位置宜斯人洗梧俗慮掃把

卷高懷存傳神在阿堵誰能證無言吾友超
世姿仙翮辭籠樊詩吟澹泊趣墨暈烟霞痕
歸田擬陶令叱馭殊王尊想見米顛宅江山
供朝昏他年結隱伴把臂有此君哦詩當息
壤笑指空中雲 同日程二魚門得七言古
詩一章魚門名晉芳號我園歙縣人十洲作
畫以工傳獨貌倪迂用筆異衣冠襲積法唐
人。醉穆丰神見高致不將淡墨寫亭柯似避

雷門布鼓意壽承書誌衡山跋父子同然集

遙企

卷尾衡山書
張伯雨贊

吾友蒐羅偶得之寶藏不

異登清閤古賢玩物恒近癡惟癡乃以輜其
智桑鼎皆涵卷軸光僮奴亦帶林泉氣寧甘
介弟老拳加勿計番人膜拜亟後來瘦筆多
賡學曷若披圖昨夕侍藝香看子薦寒泉遠
紹清風幸無愧鈴印二文治

引首

仇實父摹倪高士小像真蹟款芥園吳氏藏
文治書首鈐印三空谷蘭心王文治印曾經
滄海

鑒藏寶璽

五璽

寶笈三編

收傳印記柳加俞印廷聽柳廷聽珍賞

謹案王賓字仲光長洲人著吳中名賢紀錄
見蘇州府志其先世閩人故自題長樂云志
中所稱王文友名仁輔鞏昌人婦于吳作無
錫志二十八卷見常州府志



明仇英桐陰畫靜園一軸

本幅絹本。縱四尺六寸。橫二尺。設色畫高梧
修竹。蔭翳茅亭。一士人攤書坐而假寐。款實
父仇英製。鈐印一十洲。

玉池

高宗純皇帝御題行書

日長山靜綠梧稠。坐聽沿階活水流。一室蕭然惟
四壁。片言得意足千秋。心將太宇同寥濶。意與閑

雲共去留掩卷匡牀高卧處蝶原是我我原周乾隆壬戌秋御題鈐寶三奉三無私惟精惟一乾隆宸翰

軸內鈐

寶璽乾隆御覽之寶

鑒藏寶璽

五璽

寶笈三編

明仇英雙駿圖 一軸

本幅紙本。縱三尺四寸。橫一尺五寸五分。設色畫雙駿。兩圉人控之。旁列弓旗款。仇英實父鈐印二。十洲仇英實父。上方文徵明行書。天馬賦。高君素收唐畫御馬。感今無此馬。故賦。方唐牧之至盛。有天骨之超駿。勒四十萬之數。而隨方以分色馬。此馬居其中。以為鎮目星角。以電發蹄腕。踣以風迅。鬐龍黑而孤。

起耳鳳聳以雙峻。翠華建而出步。闔闔下而
輕噴。低驚羣而不嘶。橫秋風而獨韻。若夫躍
溪舒急。冒絮征叛。直突而建德。項繫橫馳而
世充。領斷咸。絕材以比德。敢伺厥以致吝。豈
肯浪逐金粟之堆。故嘗下視八方之駿。高標
雄跨也。獅子攘獠。逸氣下衰。而照夜矜穩於
是。風靡格。顏色妙才駘。入伏不動。終日如坏。
乃得玉為銜飾。繡作鞍。僂棗秣。棗。肉。脹。筋。

埋蓋不如偷盧噬盜。策蹇勝柴。鑄黃鵠而吐
水。畫白澤以除災。但覺駝垂節就鼠伏。猜
妬心雖厲。馴號難諧。誓俛首以畢世。未伏檻
以興懷。所謂英風頓盡。冗長常排。嗟乎。若不
市駿骨。致龍媒。如此馬者。一旦天子巡朔方。
升高嶽。抒四夷之塵。較岐陽之獵。則飛黃裊
騷。躡雲追電。何所從而遽來。何所從而遽來。
嘉靖庚子春三月廿六日。徵明書於停雲館。

鈐印三徵仲甫印。悟言室徵仲。

高宗純皇帝御題行書

不知誰向車前識。應有人從窓內窺。乍憶黃沙塞外。正當草淺獸肥時。乾隆御題。鈐寶三。乾隆幾暇臨池。

臣工恭題

古來傳畫馬。畫肉難畫骨。千載無曹韓風流。已消歇。誰為圖驀裏。神姿竦超忽。蹀躞足追。

風。昂藏權協月。緬想

天廐材。邊沙橫出沒。不羨畫間看。驥首思一發。
臣梁詩正敬題。鈐印一。臣詩正染翰。流沙
西極擅權奇。曹霸丹青能爾為。已羨

天閑歌十駿。圖中重見絕塵姿。臣汪由敦敬題。
鈐印二。臣由敦解人間書。駿骨酬知遇。空

羣畫裏看。一天風乍冷。萬里草初乾。格法還
師霸。追摹欲逼韓。駑駘懷惠養。報稱倍應難。

臣蔣溥敬題。鈐印一。臣蔣溥敬書。森森霧

鬣與風駿。繪出龍媒。冀北空漫憶。隴頭沙苑
水。長鳴多在五雲中。臣介福敬題。鈐印二。臣
介福。染翰。伯樂出千里名。韓幹老肉相呈。
當時弟子半零落。後來能事稱仇英。二馬超
軼四十萬。無匹有匹房星精。白者勒金驪者
鐵。材官裝束結曼纓。權奇瘦骨如削成。太乙
况矣歌太平。羨他玉城長相向。顧盼風姿百

種生。臣錢陳羣敬題。鈐印二。陳羣守約。馬
兮受勒。不受鞫。朔方入貢來長安。十四之二
仇耶韓。孫陽一顧何其難。竭駕應耐邊風寒。
寧徒立仗超金鑿。臣張若霜敬題。鈐印二。臣
霜。

軸內分鈐

寶璽務時敏。重華宮鑑藏寶。義皇上人我不為。內府
書畫之寶。幾暇鑒賞之璽。乾隆御賞之寶。三希堂。

乾隆八徵耄念之寶。乾隆御覽之寶。乾隆御玩內府圖書。

古希天子壽。深心託毫素。

五福五代堂古稀天子寶。

鑒藏寶璽

全五璽

寶笈三編

謹案天馬賦宋米芾撰原本序內收唐畫御馬句下有起舉雄傑四字今無賦內蹄踠踏以風迅疏今書作施橫馳而世充領斷咸純材以比德斷字今書於絕材字下敢伺蹶以致否蹶今書作厥故當下視八坊之驤坊今書作方高標雄跨而獅子據據而今書作也

八仗不動仗今書作仇
養錫黃竭而吐水竭今書作錫
節蹴節今書作節就末伏槐以興懷末今書
作末則飛黃腰裏今書作裏驪
果養養今書作
但覺駝垂蹴



明仇英十八學士登瀛洲圖 一軸

本幅絹本。縱六尺九寸七分。橫三尺一寸四分。青綠畫虛堂卷幔。珍木垂檐。其中環坐而飲者四人。執鼎彝品題者三人。對弈二人。從旁觀者三人。拈髭吟花下者一人。偕行山石間相顧語者三人。度橋方來者二人。外僕夫三。童子六。武士四。前臨碧水。後擁雲巒。象瀛洲之狀。款仇英實父製。鈐印一十洲。

鑒藏寶璽

五璽

寶笈三編

收傳印記三松堂圖書記

明仇英園林清課圖

一軸

本幅絹本。縱二尺五寸九分，橫三尺三寸二分。青綠界畫。畫高槐、修竹、曲院、迴欄、戶戶當花、窻窻臨水。荷莖浮沼，花蔓垂籬。一人臨窻觀書，一人倚籬看花，一人凭欄佇立，童子十數輩。或整卷，或捧軸，或滌硯，或淪茗，或收棋局。別室婦女或紡，或織。庭中有鶴，有鹿。屋後層巒浮翠，上有浮圖。款：仇英實父製。鈐印一。

十洲

鑒藏寶璽

五璽全

寶笈三編

收傳印記
秣陵姚氏藏畫圖記

明仇英畫松風水閣一軸

本幅紙本縱三尺六寸橫一尺設色界畫畫層巒複閣松石丹翠亭中人倚欄凝眺一童子負琴攜壺從橋上行款仇英鈐印一十洲高宗純皇帝御題行書

盤谷之中池上居十洲畫幅映紗疏松風水閣皆相似活脫精神笑不如壬辰仲春駐山莊對畫題句御筆十洲筆向失纖穠此獨神傳淡泊宗山

則似盤湖弗似伊人共我聽濤松壬寅春再題

前人題識

乙未秋日陳明卿鑒藏鈐印二陳氏子明華
江

軸內分鈐

寶璽德充符會心不遠

古稀天子猶日孜孜靜寄山莊泉香亭

鑒藏寶璽

五璽

寶笈三編

經案陳明卿名仁錫長洲人天啟壬戌賜進士第三人官至南京國子監祭酒贈詹事謚文莊明史有傳

[illegible]

明仇英畫水仙 一軸

本幅紙本縱二尺六寸八分橫一尺七寸五分白描畫水仙數本下綴盤石茸草款隆慶二年清和卅實父仇英為墨林製鈐印二仇英實父

高宗純皇帝御題行書

傍依文石俯清泉香色晶晶總淨娟院體不存餘士氣畫中悟得小乘禪何妨玉瓣與金心風度

應於意表尋子固高標細模擬墨林為贈是知音
戊戌嘉平御題鈐寶二乾隆

軸內分鈐

寶璽乾隆御覽之寶乾隆鑒賞

鑒藏寶璽

五璽

寶笈三編

收傳印記且快齋項氏子京西楚王孫

明仇英畫秋江遊舫一軸

本幅紙本縱三尺六寸二分橫一尺一寸三分設色畫峭壁回波纈林紅樹畫船打漿一人揮羽扇中列琴書船頭掛酒瓢一款仇英實父製鈐印一十洲


軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

金五夏

寶笈三編



明仇英畫柳塘漁艇一軸

本幅紙本。縱三尺二寸。橫一尺四寸七分。墨畫小艇橫波。一人幅巾持竿。臨洲濯足。垂楊兩岸。岸側有鴛鴦一雙。戲浴水際。款仇英實父製。鈐印一。十洲原題。遠山重疊。水縈紆。柳暗花明。畫不如山水裏。有巖居。誰道儂家也釣魚。湖上晚風吹岸花。碧波凝影送殘霞。孤艇小泛橫斜。那個汀洲不是家。文彭鈐印二。

文壽承三橋居士

鑒藏寶璽

五璽金

寶笈三編

收傳印記則之父

明仇英畫福海添籌一軸

本幅紙本。縱三尺七寸六分。橫二尺五分。設色畫瀛海樓臺。女仙持籌添算。一鹿銜芝草。負蟠桃款。仇英實父製。鈐瓢印一。十洲。

鑒藏寶璽

五
全

寶笈三編

[illegible]

明杜陵內史仇氏畫唐人詩意 一軸

本幅紙本縱三尺二寸橫一尺八寸九分設
色畫珍木橫雲牡丹簇艷一仕女淡妝華服
款吳門仇氏戲寫鈐印一杜陵內史

鑒藏寶璽

五璽

寶笈三編

謹案仇氏美之如號杜陵內史考見續編

[illegible]